



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Compendivm Totivs Tractatvs De S. Matrimonij
Sacramento R. P. Thomæ Sanches E Soc. Iesv**

Sánchez, Tomás

Coloniæ Agrippinæ, 1624

2. Maritus.

urn:nbn:de:hbz:466:1-41559

protestatione præmissa non vtendi illis tanquam vanis; media autem licita, per quæ maleficium aufertur, sunt ea, quæ Ecclesia ordinavit, ut exorcismi, opera pœnitentiæ, sacramentorum receptio ad placandum Deum, lib. 7. disp. 95. à n. 1. vsque ad 5.

8 Nullo modo licet petere à malefico parato solutionem maleficij maleficio; secùs dicendum, quando maleficus plura media nosset, quædam licita, alia verò illicita. Et quando sit dubium, an maleficus sciat aliquod medium licitum, tunc nunquam, licet, lib. 7. disp. 95. à n. 6. vsque ad 14.

9 Licitum est destruere signum maleficij: nimirum destruendi pacti cum Dæmone initi, & obtinendæ sanitatis. Imò potest interrogare alium maleficum, an norit, in quo tale maleficium consistat, ut signum destruatur. Quod si ille ignoret, minimè potest induci, ut persuam artem id inuestiget. Tamen si id didicerit à Dæmone, fas est ea scientia vti, libr. 7. tota disput. 96.

Maritus.

1 Maritus potest vindicare vxorem ab alio detentam, adiecta causa iuris canonici, & diuinii, lib. 9. disp. 4. n. 9.

2 Maritus cognoscens vxorem suam invitam post mutuum castitatis votum, peccat contra iustitiam, lib. 9. disp. 40. n. 20.

3 Maritus adulterperdit donationem propter nuptias, lib. 10. disp. 8. n. 11. & 12.

4 Mai-

4 Maritus propriā autoritate adulteros in delicto repertos enccans, licet sit iudex, admittit culpam lethalem homicidij contra iustitiam, & tenetur restituere damna instar aliorum homicidarum. Secūs dicendum, si interficiat illos sententia iudicis sibi traditos, ut eos, si velit, necet, si non liuore vindictæ, sed iustitiæ zelo id efficiat. Quod idem dicendū, licet ille sit etiam adulter, lib. 10. disp. 8. nū. 35. usque ad 44.

5 Maritus potest, renitente vxore, se vendere, peccabit tamen mortaliter, si fiat venditio sine iusta causa, non tamen contra iustitiā, sed erit iusta causa, si vxor possit eum facile sequi. Vxor tamen vendens se sine consensu mariti, peccat mortaliter contra iustitiam, l. 7. m. disp. 23.

6 Maritus potest licet simul cum vxore esse patrinus in Baptismo, vel Confirmatione, l. 7. disp. 57. nū. 5.

7 Maritus non potest mutare habitum sine licentia vxoris, nec vxor sine licentia mariti, v.g. induere habitum beatarum, vel heremitarum, l. 9. disp. 3. nū. 9.

Matrimonium.

1 Matrimonium solet nuncupari sic, quia mulier nubit, ut mater efficiatur. Item vocantur nuptiæ, & connubium ab obnubendo, seu velando, quia quasi nube obtigitur virgo velamine quodam, dum benedicitur. Tandem appellatur coniugium ab effectu, eo quod

N 7

duos,